

К ОПУБЛИКОВАНИЮ

КОМИ РЕСПУБЛИКАЛӨН ОЛАНПАС

«Коми Республика мутасын өтйөза пöрадок видзöмын гражданалөн участвуйтöм серти öткымын юалöм йылысь» Коми Республикаса Оланпасö вежсьöмьяс пыртöм йылысь

Примитöма Коми Республикаса

Каналан Сöветөн

2023 вося лöддза-номья тöлысь 21 лунö

1 статья. Пыртны «Коми Республика мутасын өтйөза пöрадок видзöмын гражданалөн участвуйтöм серти öткымын юалöм йылысь» Коми Республикаса Оланпасö (Коми Республикаса канму власьт органьяслөн индöд-тшöктöмьяс, 2014, 30 №, 598 ст.; 2015, 23 №, 335 ст.; 2017, 13 №, 224 ст.; 27 №, 487 ст.; 2018, 10 №, 169 ст.; 2019, 8 №, 103 ст.; 15 №, 212 ст.; 2020, 8 №, 113 ст.; 2021, 17 №, 305 ст.; 2023, 1 №, 1 ст.) татшöм вежсьöмьяс:

1. 3 статья гижны тадзи:

«3 статья

1. Öтйөза пöрадок видзöмын участвуйтiгөн йöзкост дружинникьяслы колö видзны сьöрас йöзкост дружинниклысь эскöданпассö, новлыны форма паськöм (жилет-кышöд либö куртка), а сiдзжö вöдитчыны йöзкост дружинникöс торйöдан пасөн.

2. Жилет-кышöд новлигөн йöзкост дружинникöс торйöдан пас пыдди вöдитчöны «НД» гижöдөн гöрд рöма сойвывса кöртöдөн, кутшöмöс новлöны шуйга килөн пельпом вылын.

Куртка новлигөн йöзкост дружинникöс торйöдан пасөн лöö курткалөн шуйга сос вылын «НД» гижöдөн вурöм гöрд рöма визь.

3. Йöзкост дружинаса командир сетö йöзкост дружинниклы форма паськöмсö, а сiдзжö сойвывса кöртöдсö йöзкост дружинникьяслөн öтувья чукöртчылöм дырйи öтйөза пöрадок видзöмын налөн участвуйтан кадколаст кежлö.

4. Йöзкост дружинниклысь эскöданпас образецсö да сийöс сетан пöрадоксö, йöзкост дружинниклысь сойвывса кöртöд образецсö урчитöны тайö Оланпас дорö 1 содтöдын.

Йöзкост дружинниклөн форма паськöмлысь образецсö урчитöны тайö Оланпас дорö 6 содтöдын.

5. Оз позь вöдитчыны йöзкост дружинниклön эскöданпасөн, новлыны форма паськöмсö либö вöдитчыны йöзкост дружинникöс торйöдан пасөн сэтшöм кадö, кор сйö абу йитчöма öтйöза пöрадок видзöмын участвуйтöмкöд.».

2. 6 содтöд гижны тайö Оланпас дорö содтöд серти.

2 статья. Тайö Оланпасыс вынсялö сйöс официальнöя йöзöдан лун бöрын дас лун кольöм мысти.

Коми Республикаса Юралысь

В.В. Уйба

Сыктывкар

2023 вося лöддза-номъя тöлысь 27 лун

47-РЗ №

«Коми Республика мутасын
өтйөза пöрадок видзöмын
гражданалöн участвуйтöм серти
өткымын юалöм йылысь»
Коми Республикаса Оланпасö
вежсьöмьяс пыртöм йылысь»
Коми Республикаса Оланпас дорö
содтöд

«Коми Республика мутасын
өтйöза пöрадок видзöмын
гражданалöн участвуйтöм серти
өткымын юалöм йылысь»
Коми Республикаса Оланпас дорö
6 содтöд

Йöзкост дружинниклöн форма паськöмлöн образецъяс

1 юкöд. Жилет-кышöд

Жилет-кышöдлöн водзладор



Жилет-кышöдлöн бөрладор (мыш)



1. Йöзкост дружинниклөн форма паськөмлөн тайö образцыс – тайö жилет-кышöд, кутшöмöс вöчöма светоотражающöй материалъясыс элементъясөн кольквиж рöма изсьйтöм дöраыс.


2. Йöзкост дружинниклөн жилет-кышöдыс гöгрöса вундöм горловинаа. Сы могыс, медым жилет-кышöдсö ладмöдны пасьта серти, бокъясас меститöма «контакт» текстильнöй йитвеж вылö кизясыс клястикъяс.

Жилет-кышöд шöртi мунöны öта-мöдсянь 10 см ылнаын светоотражающöй лентаыс вöчöм 5 см пасьта водсанога кык визь.

Жилет-кышöдлөн бöрладорас (мышкас) горловинасянь 14 см улынджык шöрас пуктöма «НАРОДНЫЙ ДРУЖИННИК» гижöд, кутшöмöс вöчöма светоотражающöй лентаыс 7 см джуджда шыпасъясөн.

2 юкöд. Куртка

Курткалөн водзладор



Курткалөн бөрладор (мыш)



1. Йöзкост дружинниклөн форма паськөмлөн тайö образецыс – тайö капюшона куртка, кутшөмөс вöчöма светоотражающöй материалъясыс элементъясөн кольквиж рöма изсьытöм дöраыс.

2. Курткаыс веськыд мыгöра, шöрас кизясьö «чардөн», капюшонлыс банладор көлысö ладмöдны куснясыс шнур да фиксируйтанторъяс отсöгөн.

Куртка шöртi мунöны öта-мöдсянь 10 см ылнаын светоотражающöй лентаыс вöчöм 5 см пасьта водсанога кык визь.

Курткалөн пöлаяс ылын меститчöны «чард» ылын улысса накладнöй зепьяс, кутшöмьясöс дзёбöма öтлаын шöралöм листьясөн, шуйга пöла ылын морöс весьтын меститчö видеорегистратор ылö шлövки. Пöлаяс ылын да курткалөн мышкын сос вундасьяс улын меститчöны сынöд ветлан розьяс.

Куртка мышкас горловинасянь 14 см улынджык шöрас пуктöма «НАРОДНЫЙ ДРУЖИННИК» гижöд, кутшöмөс вöчöма светоотражающöй лентаыс 7 см джуджда шыпасьясөн.

Сос модаыс реглан, веськыд. Сос улiсö пасьта серти ладмöдöны пата да йитан лента отсöгөн. Шуйга сос ылын гырдызаяс ылынджык меститчöма гöрд рöма отделочнöй дöраыс 10 см пасьта вурöм визьөн йöзкост дружинникöс торйöдан пас. Визь шöрын меститчöма «НД» светоотражающöй гижöд.».